

Dienelkander



Nuusbrief van die Gereformeerde Kerk Potchefstroom-Oos

3 Desember 2017

OGGENDDIENS Ds. Piet

Die Doop word vanoggend bedien aan twee verbondskindertjies: Carmien van Barend en Maria Pretorius en Lindsey van Heinrich en Yolanda de Kock. Baie welkom aan familie en vriende wat vanmore saam met ons aan die groot oomblik deel en baie geluk aan julle en julle families.

Skriflesing: Psalm 57

Teks: Ps 57: 3 en 4

Tema: Vertrou biddend op God se grootheid wanneer die wêreld vir jou te klein word.

As gelowiges leef ons in twee wêreldes. Aan die een kant leef ons in die wêreld van God en sy heerlike grootheid waarmee Hy oor ons regeer en aan die ander kant die wêreld van ons aardse bestaan met sy vrese en kommer. God het egter aan die gelowige 'n manier gegee om hierdie twee wêreldes te integreer en dit is deur gebed.

In 'n situasie van uiterste vrees en nood wat Dawid in vers 5 beskryf as 'n wêreld vol "leeus" wat hom bedreig, sit hy rustig onder die beskerming van God se vlerke. Hoe kry hy dit reg? Deur gebed! In gebed gryp hy vas aan die grote God wat uit die hemel sy uitkoms stuur! En daarom voel hy veilig!

Bring ons gebede ook God se grootheid binne ons klein wêreld?

Lofsang met die oog op die erediens

Ps 147-1: 1, 3, 4 (Eerste melodie);

Lied 525: 1, 3

Ontmoetingsdiens

Intreelied Lied 151: 1, 2; Votum; Seën; Loflied Ps 91-1: 1, 6, 8 (Tweede mel); Geloofsbelofte: 12 Artikels - almal hardop saam

Verootmoedigingsdiens

Wetlesing: Fokus op die Vierde gebod en HK Sondag 38; Sondebelydenis en vrypraak uit 1 Joh 1: 8, 9; Sing Lied 203: 1, 3; Gebed

Sakramentbediening

Formulier van die Doop (H Dijkstra); Sing na die doop: Ps 105-1: 5 (kleuters gaan na hulle bediening)

Woorddiens

Skriflesing; Woordverkondiging

Antwoorddiens

Gebed; Liefdegawes; Sing Sb 10-2; Seën; Amenlied Sb13-3.

VANAAND: GROEPBEDIENINGE

Ons gee vanaand weer ons kleingroepe geleentheid om bymekaar te kom en bid almal 'n geseënde byeenkoms toe.

MEELEWING

- Lucia Venter (Groep 15 - 082 780 6045) is ontslaan en sterk nou tuis aan. Ons bid dat sy gou gesond sal word. Baie dankie aan die hulp wat lidmate aan Turner gebied het om sy besigheid weer op die been te kry.
- Salomi Jonker (Groep 21 - 072 799 1797) het Donderdag in die Brooklyn Kliniek 'n operasie ondergaan om die gewas aan haar wang te

verwyder. Die operasie het goed afgeloop.

- Lu Erasmus (Groep 29 - 082 553 6040) se ma het 'n hartklep-operasie gehad en sterk tuis aan.
- Baie geluk aan Eric Aspeling (Groep 29 - 082 327 7886) wat 'n ereveldwagter is en verskeie kursusse verder gedoen het om kennis hierin te verbreed.
- Baie geluk aan Nauma Pretorius (Groep 10 - 082 586 9111) en Altus Blom wat gistermiddag in die huwelik getree het. Geluk ook aan Willem en Naomi Pretorius.

Ons bid dat die Here spoedig beterskap, herstel en troos sal gee.

ONS VRA VOORBIDDING: LIDMATE WAT SUKKELE MET SIEKTE OF SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoek-diensgroep, skakel hierdie week vir: siekes@oosdoppers.co.za of Hanneljie du Plessis (072 827 4744)

PROGRAM VAN DIE WEEK

Vandag

09:00 Gebedsgroep

09:30 Oggenddiens

Kleuterbediening

Geen Katkisasie

Tee en Koffie in die Skuur

Groepbediening

Woensdag

Skole sluit

EREDIENSTE TYDENS DESEMBER-VAKANSIE EN VERLOFREËLINGS

Eredienste:

10 Des - Ds Piet oggend- en aanddiens

17 Des - Ds Pieter van der Walt - geen aanddiens

24 Des - Ds Pieter van der Walt - geen aanddiens

25 Des - Gesamentlike Kerssangdiens by Die Bult gemeente.

31 Des - Prof Nico Vorster - geen aanddiens

Lidmate is welkom om in die vakansietyd aanderediens by Die Bult of ander Gereformeerde Kerke in die dorp te gaan bywoon.

Verlof:

Ds Piet Venter is met verlof van 11 Des tot 2 Januarie 2018.

Adele Delpont is met verlof van 24 Des tot 15 Januarie 2018.

In die tyd sal die Kerkkantoor gesluit wees.

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Bystandsfonds (Diakonie).
- Gawe volgende Sondag vir die Emeritusfonds.
- Vrywillige bydrae vir voertuigsekuriteit in die bussies by die deure.
- Diensbeurte: Groep 15 en 16.

VERJAARSDAE

Baie geluk aan almal wat DV hierdie week verjaar!

Sondag, 3 Desember

Br Johan Coetzee 082 821 7177

Maandag, 4 Desember

Br Reitz Esterhuizen 082 768 7706

Dinsdag, 5 Desember

Sr Muschka Sutherland 074 519 5268

Woensdag, 6 Desember

Sr Esta du Plooy 082 532 3510

Donderdag, 7 Desember

Br Deniell de Vries 082 531 2056

Sr Ment Larney 082 850 4989

Saterdag, 9 Desember

Br SJ Jansen v Rensburg 072 132 5544

Sr Mathilda Willemse (74) 082 375 9418

KERSMARK - BAIE DANKIE!

Liewe gemeente

Baie, baie dankie vir almal se harde werk. Ons sal volgende week 'n meer volledige berig met meer inligting plaas. Ons dank die Here vir al sy

genade, seën op ons werk en beskerming
hierdie agt dae met die mark.

POS BY DIE TEOLOGIESE SKOOL BESKIKBAAR

Die pos van Assistent van die Rektooraat van die
TSP is vakant. Kontak vir Ami du Toit vir meer
inligting by 018 285 2351 op
ami.dutoit@nwu.ac.za.

TOPIA GEBEDA- EN KUIERBYEENKOMS

Ons Here vra dat ons sonder ophou moet bid.
Op Vrydag 3 November het 'n klompie TOPIA
vriende en ons kinders saamgekom om te bid en
te kuier. Wat 'n wonderlike ervaring om te hoor
hoe God deur sy volgelinge werk. Ons kon vir
mekaar voorbidding doen en die Here dank vir al
sy goedheid. Thinus Herman het die gediggie
hieronder na aanleiding van ons saamkuier
geskryf. Ons almal was dit eens dat die
saamwees mekaar bemoedig en inspireer het.
Ons hou jou op hoogte van die volgende
geleentheid sodat jy ook saam met ons kan bid
en kuier.

O God U het ons weer geseën
met mense wat Topia ondersteun.
Ons kon maar net staar
hoe U dissipels vergaar.

By God is alle mag, (Rom 16:25)
die enigste met skeppingskrag! (Jer 27:5)
Vir die wat die groot opdrag verstaan
sal hy daarin vas laat staan. (Rom 16:25)

Haweloses onder 'n brug
kom in getalle na U toe terug.
Weggooi kinders sonder hoop,
geskool met U brood, sonder om te koop.

Die geheimenis is geopenbaar
in die geskrifte van profete verklaar.
Dit word aan alle nasies bekend gemaak
sodat hulle kan glo en gehoorsaam raak. (Rom
16:25-26)

Massas in armoede word gevoed
en kry deur U boodskap weer moed.
Kerkleiers in Afrika kan ander leer
die evangelie van Jesus, hul Heer.

God se groot oes moet in,
maar die arbeiders is min.

Bid nou in hierdie uur
dat Hy nog arbeiders sal stuur (Luk 10:2)

O God, dankie vir Johannes en Lizanne
wat so passievol in U bediening staan.
Wil U in die nodige middele voorsien
en nog 'n werker wat kan help bedien.

Aan Hom, die enigste en alwyse God,
deur die groot liefdesgebod,
behoort die heerlijkheid
tot in alle ewigheid! (Rom 16:27)

-Thinus Herman

KENNISGEWING VANAF DIE DIAKONIE: LIEFDEGAWES VIR BARMHARTIGHEID DEUR SELFOON TOEPASSING: ZAPPER



Hierdie QR simboolkode is
gekoppel aan die Diakonie
se rekening en **slegs**
bydraes vir Barmhartigheid
kan daarmee gemaak word -
geen ander betalings aan die
Diakonie of kerkraad nie.

SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:
<http://ow.ly/ivfZ309vsdc>. Ds Piet stuur weekliks
sy preke per e-pos uit. Laat weet hulle indien jy
dit wil ontvang.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt –
082 851 3637

Prof. Herrie v Rooy –
083 700 3933

Kerkkantoor: Adele 018 290 7690

Kosterspaar: Johan 061 336 7255
Elsa 073 959 8051



SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



Tee word **vandag** onder die leiding van Annetjie Vermeulen (Groep 32) en Carina Smits (Groep 33) bedien.

Volgende week skink Stephanie Earle (Groep 34), groep 35 en Annarie Oelofse (Groep 36) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

SUSTERSBYDRAE



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. ***Baie dankie vir julle getroue bydra!***

BAIE DANKIE AAN ONS BORG VAN DIE WEEK!



ONS SPESIALISEER IN DIE VOLGENDE:

<ul style="list-style-type: none">• Fyngebak• Pasteie• Koekies• Beskuit• Terte	<ul style="list-style-type: none">• Kruie• Speserye• Bakbestanddele• S.A. Droëvrugte• Verpakkingsmateriaal
--	--

"Ons bak met passie"

Gouwsstraat 7 Potchefstroom
Tel : (018) 294 4271